

湘阴两寨黄氏世谱 学校志

古者学校与选择并重司徒论选士之秀者而升之学司马辩论官材论进士之贤者以告于王而定其论此选举法也而夏曰校殷曰序周曰庠庠者养也校者教也序者射也其制亦无或疏后世以科目取士斡旋遂重科举而于学校鲜有介意者虽由县以上书院之设国学犹能存其大畧而乡学则任民自为之设与弗设概置弗问此教育之难普及草野多不识字之民也满清海禁开后外强迫处日见侵削政府欲图自强遂于是废科举兴学校民国改元兴之愈力政府委员四处督办务使学校遍国中虽穷乡而亦皆是民国十一年第八届中国教育联合会议制幼儿园初级小学高级小学系初等教育初级中学高级中学及职业师范各学校系中等教育大学及专门学校研究院系高等教育一二硕固家谓此为西洋新学多鄙弃之不知一准古义初等中等教育即古之小学也庠也校也高等即古之国学也学生以次考试升学亦古学校与选举并重之法其养士抡才之意詎有弗同乎吾族地处偏僻文化之输入稍迟而初等教育之初级小学校至民国十七年戊辰始克成立四校新寮上下门合为一校画林上下中三门合为一校徐家塘上马墩甘棠门为一校上寨祖门合冲门滕冲周为一校此校常年学款未克确定开办一学期停止馮三校经济筹有的款根基巩固每岁调查三校学童一百名有奇将见秀者成绩优良由此递升以为国用钝者业期满娴习有素亦断不至蒙不识一丁之稍也而黄氏子弟自此兴矣矣虽然三代之学皆所以明人伦也吾

愿执教鞭者其本此意于科学外谆谆诲之苟使子弟一人新学便趾高气扬弁髦伦纪陵轹父兄自谓一时豪杰是又学校中之蠹贼吾甚不愿有此作学校志第五

画林门初级小学校

校址 民国十七年戊辰成立假南庄公祠为校址旋于十九年就罗家寨上手我画林戏台屋西接建数椽规模虽难称为美备而教室教员室会客室厨室厕所室均有位置矣
经费 田四石一斗

新寮门初级小学校

校址 民国十七年戊辰成立假本门戏台屋为校址逮十八年己巳就戏台南建筑一教室余教员室会客室厨室厕所室则划分戏台屋所原有而属之学校矣

经费 四石石斗

徐家塘门初级小学校

校址 假聪公祠现经费拮据建筑留待异时
经费 田三石五斗三升

刘黄门初级小学样 校址 在本团土地庙屋 经费 穀七十石黄姓供三分之一
周黄门初级小学校 校址 在卢氏祠 经费 黄姓屡年供常租穀六石